



Sabtu, 14 Desember 2024

Ogen: Lukas 7:47



Melala Icidahkenna Kekelengen



Alu palas kekelengen orang tua ngasup mereken si mehulina man anak-anakna. Nggit ia erkorban dinging erjuang. Si mehergana i bas dirina pe iendekenna guna si ikelengina e. Kekelengen jadi palas dinging gegeh i bas ngelakoken si e kerina. E me si jadi nomor sadana, si mahanca ertahan bas mentasi kerina kecibal nggeluh.

Wari enda Jesus ngerana kempak diberu si erdosa ndahi Jesus bage pe man kalak si enterem si lit i bas rumah kalak Farisi. Kalak si melala encidahken kekelengen maka mbelin me ialokenna perkuah ate Dibata. Diberu enda enggo encidahken kekelengen si mbelin e i adep-adepen Jesus. Perbahanenna e ngerana kerna kekelengenna. Icucina nahe Jesus alu iluhna, isapuina alu bukna dinging iminakina alu minak si merimna (minak si meherga dinging si ncidahken kinihagan). Kerina enda ilakokenna, iidah jelma si enterem dinging inanami Jesus perbahanenna e. Erdandanken melala icidahkenna kekelengen maka dosana si melala e ialemi. Tangkas maka kekelengen e njemba Jesus ngasup ngaloken diberu si perdosa enda.

I bas kegeluhen si teptep wari kekelengen e enggo mekatep sibelasken si orati, janah iajuk pe kita guna ncidahkenca arah perbahanen. Ndauh belinen ngaruh perbahanen asangkan cakap (*satu tindakan kasih lebih berdampak dari 1000 kata-kata tentang kasih*). Kekelengen pengasup kita reh kuadep-adepen Dibata dinging dalam sibereken Dibata guna ngaloken dirinta. E me si mpersadaken kita ras Dibata. Pengarapenta e ka lah si ngerakut kita sada ras sidebanna gelah seh bagi si ikataken Pustaka maka keleng ate e mpersadaken kerina alu serta (Kol. 3:14).

☞ *Kai pe silakoken, lakokenlah alu palas kekelengen*